



Gioventura Piemontèisa

Congress Nassion 2013

AST, 20 ëd Gené 2013 - Palass "Gazzelli di Rossana"

L'abolission ëd tut sostegn a la lenga piemontèisa, séguit a la modìfica dla lej regional ch'a l'é stàita cassà da la "corte costituzionale" italian-a, a l'ha portà a la fin ëd la colaborassion con l'Ent pùblich e a na discriminassion inacetàbila dla lenga piemontèisa rësguard a j'àutre lenghe minoritarie 'd Piemont.

Le 13.000 firme ch'a l'ha cùjù ël Comitè "Piemont 482" për porté l'atension ansima costa discriminassion a l'ha portà la Region a propon-e al parlament italian un dissegn ëd lej për gionté 'l piemontèis ant la lej 482/99; costa propòsta a l'é somasse a le vaire àutre deposità a Roma an sl'istess argument. Malgré tut ësfòrs, a l'é cambiaje panèn.

Ij coment dij costitussionalista a l'han s-ciairì lòn ch'ì savìo già, visadì che l'arfid ëd l'Italia anvers la lenga piemontèisa a l'é consijà dal tentativ d'ëschivié la depression dël sentiment d' "unità linguistica nassion". An doe paròle, se già a l'ha gnun-a rason ch'a dèbia esse l'Ëstat a arconòsse le lenghe ch'as parlo an sël teritòri 'd na "Region" (ma a l'era la stra "legal" ch'a ventava ch'ì përcorèisso – fuss-lo nen mach për dimostré ch'a pòrta da gnun-e part), i l'oma avù la rëspòsta franca che, an costa situassion, a rivrà mai e peui mai gnun arconossiment a na spessifissità linguistica piemontèisa.

I l'oma la preuva che mai ël piemontèis a sarà arconossù da l'Italia, e che noi con l'Italia i podoma pì nen avèj gnun rapòrt.

Gioventura Piemontèisa a séguita a chërse, sempe pì 'd gent a s'avzin-a e sò travaj a l'é na vira 'd pì apresìa. Cossèssia nòsta atività, dnans a coste novità, a dèv esse butà tuta an dëscussion. Le condission andova a l'é bogiasse 'l Moviment ant j'ùltim ani a esisto pì nen, Gioventura Piemontèisa a dèv esse 'dcò bon-a a fé d'àutr për dëfende soe ideje, ij sò prinsipi e deje na speranza neuva al pòpol piemontèis.

Dòp na serie d'ancontr i rëspondoma a l'arcesta 'd fé un front comun butand ël Moviment che an costi ani a l'ha mostrà d'esse stàit ël pì inovativ e eficent a disposission ëd tuti ij Piemontèis angagià, slargandlo a tute cole përsone 'd bon-a volontà che, comben ch'a sio già angagià an d'àutre inissiative, a sento l'ëbzògn ëd travajé ansema për deje n'avni a l'identità piemontèisa.

Gioventura Piemontèisa, co'l 2013, a slarga ij sò orisont, a modìfica sò Statut, a propon na dirigenza pì sgagià e slargà, na svòlta an sens movimentista, butandse con ciarèssa da la part ëd l'indipendensa 'd Piemont e dël ricùper ëd rapòrt ës-ciass con Savòja e Nissa.

Coste a son le propòste e costa la stra ch'ì contoma 'd përcore doranans a travers nòsta presensa e nòsta assion.

Ant ës moment a-i é da manca 'd tuti ij Piemontèis ëd volontà scienta, ëd tute j'età, cola ch'a sia soa ideja politica.

L'anvit al Congress d'Ast a l'é donca n'anvit përsenal a mincadun ëd voi, a vòsta famija e ai vòsti amis.



Gioventura Piemontèisa

Congress Nassional 2013

AST, 20 ëd Gené 2013 - Palass "Gazzelli di Rossana"

Leu dël Congress: AST – Palass "Gazzelli di Rossana" – Via Quintino Sella 1/5

Rivand da la surtia "Asti Ovest" dl'Autostrà A21 (o da la SS 10) a s'intra an Ast, tut drit ansima cors Turin, sempe drit apress la rionda a s'amboca cors Alfieri e, dòp la curva, as vira a drita an vicol Roé (Roero), peui torna a drita an contrà Q. Sella.

Programa dla giornà

- 9,00 / 10,00 **Accreditassion e iscrission a antèrven-e**
Al banch ëd l'acujensa a sarà possibil arnové l'iscrission o ativé d'iscrission neuve.
- 10,00 **Riunion dël Consej**
dëscussion dle propòste dla Comission për le modifiche statutarie
acetassion dij Sòcio ativ neuv
- 10,30 **Duvertura dël Congress**
esecussion ëd l'Imn Nassional ëd Piemont-Savòja
riunion dla Ciambrea
relassion dël Resior e programassion
- 10,40 **Antèrvent**
(an costa fase j'antèrvent a son arzervà a j'iscrit; un a peul prenoté sò antèrvent già via e-mail opurament diret an sede 'd Congress – a s'arcmando d'antèrvent essensiaj për pèrmèttje a pì 'd gent ëd podèj parlé; an tut cas j'antèrvent a podran nen depassé le 4 minute).
- 11,30 / 11,45 **Pàusa cafè**
- 11,45 / 12,30 **Séguit ëd j'antèrvent**
- 12,30 **Letura e votassion ëd l'Èstatut e dël document programàtich**
- 13,00 / 14,00 **Desuné**
Produt tipich piemontèis prontà an sël pòst. Cost da € 15,00 a € 20,00 aprum. Për na conferma definitiva dël pressi scrive a giovpiem@yahoo.it
- 14,15 **Elession ëd j'òrgo statuari**
- 14,30 **Riunion dël Consej/Direccion Nassional**
- 15,00 / 16,30 **Rëscontr: «Lenga piemontèisa e Institussion»**
Con la partecipassion d'esponent politich, costa part ëd la giornà a veul fé la mira dla situassion dij rapòrt antra 'l mond piemontèis e soe istitussion, an particolar con la Region Piemont. La partèssipassion e j'antèrvent a son duvert a tuti, bele a chi ch'a l'é nen iscrit.

Coma ij temp a son contingentà a s'arcmanda la màssima pontualità për fé an manera che ij randevò dla giornà a peusso score an manera regolar.

Për d'esigense d'organisasion a l'é amportant che mincadun a nunsia soa partèssipassion an precisand ël nùmer e 'l nòm ëd coj ch'a saran present e s'as fèrmo al desuné: scrive a giovpiem@yahoo.it o telefoné ai nùmer 011 7640228 – 328 1292172 dnans ëd giòbia 17 ëd gené 2013.

Tuti j'iscrit a son anvità a mandé soe propòste, soe osservasion e 'd considerassion an su soa disponibilità, sempe dnans ëd giòbia 17 ëd gené 2013.

Ès programa a peul ancor avèj ëd variassion për ëd rason pràtiche dl'ùltima minuta.

Organisassion: Gioventura Piemontèisa – Comission për l'arvision dl'Èstatut e l'organisasion dël Congress Nassional Gioventura Piemontèisa - Ast